


مکملہ ادبی و سیاسی رسالہ اسبوعیہ

❁ ادبی و سیاسی رسالہ اسبوعیہ ❁


۳۰ نجی سنہ



۱۹ جمادی الاولیٰ ۱۳۲۹

❁ پچشنبہ ❁

جزء عدد : ۹۶



فرانسه ده (رهستوراسیون [Gouverneman de la Restauration

حکومتک روسیه ایله اتفاق ۱

سیاسیاتده مصال نوعندن ده بعض روایات واردره بونلردن بری ده هرکسک ایناندینی (رهستوراسیون - روسیه) اتفاقدرکه گویا (۱۷۳۰) سنه میلادیه سنده انعقادیمش و بوده فرانسه نک تکرار (رهن Rhn) حدودینه مالک اولمسی مقصدینه مستند ایمش .

بومصال اوزرینه برده اوزون تاریخ یازلمش و خیالات نوعندن برچوق نتیجه لر استخراج اولمش ایسه ده بز بوگونکی کونده رهستوراسیون حکومتک روسیه ایله اولان مناسباتنک درجه حقیقه سنی بیلدورز . و عالم سیاسیات خیالپرستانی درلو درلو فکرلره صایدیرمش اولان (۱۸۲۹) وقایعنک تفصیلاتنه واقف بولنیورز .

۱) فرانسه تاریخنده (رهستوراسیون) نامیله معروف اولان مدت (اون سکزنجی لوی Louis XVIII) ایله (اوتنجی شارل X Charles) ک (۱۸۱۵) دن (۱۸۳۰) ده دکن دوام ایدن اون بش سنه لک حکومتلری مدیدر .

ناپولیون بوناپارتنک (۱۸ حزیران ۱۸۱۵) ده کی وقوع بولان (واترلو Waterloo) مغلوبیتی متعاقب (سنت آلن S^t Hellène) آطه سنه عزیمتدن صکره فرانسه قرالغه یسه بوربون خاندانی نائل اولغله بوخاندانن بروجه بیان ایکی حکمدارککش و (۱۸۳۰) تموزنده ایسه اورلئان خاندانندن (لوی فلیپ Louis Phibppe) فرانسه قرالی اعلان اولمشدر .

(للمترجم)

(۱۸۱۴) دن (۱۸۳۰) قدر فرانسه مناسبات خارجیه سی موسیو (دووییل قاستل De Viel Castel) قدر طوغری یازان یوقدر. بوذات (رهستو-راسیون تاریخی) نامیه تألیف اییدی اترك بگر منجی جلدنده موسیو (دوپولینیاق De Polignac) كُ تدایرینه دأر ایضاخات مكمله دخی ویرمشدر .

۱۸۱۵ سنه سنده ناپولیونك فراغنی متعاقب دول متفقۀ غالبه یبندده اختلاف حصوله كلكله، انكلتره ایله آوستریا دولتری اوروپا احوالی و یانه معاهده سنه توفیقاً ادامه ایلک و روسیه ایله پروسیا دولتری دخی او معاهده نك اساسنی حسن محافظه ایله برابر بعض احكامنی كندو منفعتلرینه كوره تعدیل ایتك املنده بولمشلردر . پروسیانك فكری (واترلو) مغلوبیتدن صكره فرانسه نی تقسیم ایتك و تضمینات باركرانی آلتنده ازمك ایدی. آوستریا ایسه اخذآر خصوصنده دهآ آز شدت كوسترمكله برابر (رهستوارسیون) حكومتته قارشو اعلان خصومتدن گپرو طور میور ایدی. بوگاده سبب (پرنس مترنچ Metternich) كُ بوربوندره اولان عداوتی ایدی. مع مافیه كرك انكلتره اولسون و كرك روسیه اولسون هریكسی ده فرانسه نی كندولرینه برضرر ایراث ایدمه جك حاله كتیرمکی ایستمكنه برابر، فرانسه دن استفاده احتمالی ده خاطر دن چیقار میورلر ایدی. آنكچون فرانسه نی پروسیا و آلمانیه قارشو مدافعه ایتكی منفعتلرینه موافق گوریورلردی .

قرال اون سگزنجی لوئی یه كنجه: مشارایه شو اختلاف دولی بی حسن اداره ایله آندن استفاده آرزو سنده بولمقله برابر، روسیه نك قوتنه اعتمادی اولمامسی و ظهور اتدن اندیشناك بولمسی جهتیله انكلتره طرفه دهآ زیاده میل ایتكده و هر حاله تأمین صلح و مسالته چالشمقله فرانسه یه بیوك بر خدمت ایدمه جكنی ملاحظه ایلكدده ایدی. بوندن بشقده (تالیران Tallyrand) كُ مطالعه سی وجهله روسیه نی پروسیادن آیرمغه قالشحق بوش بر فكر اولدیغنی و روسیه دن استفاده ایدمه یلك بهمه حال دولت مشار الیهانك شرقده کی آمال منفعتجویانه سنه خادم اولمقله ممكن اوله جغنی و روسیه نك دولت عثمانیه ایله بر محاربه یه گپیشمسی اول امرده آوستریا دوستلغندن امین اولمسنه محتاج و روسیه شرقده توسیع ممالك ایتدیكی تقدیرده پروسیانك

دخی آلمانیا به طوغری ایلولمسی طبعی بولندیغی بیش نظر دن دور طومبور و تالیرانک (۱۸۱۴) ده ویردیکی تعلیمات مو جبنجه (آوستریانک ایسالیاه و پروسیانک ده آلمانیا به طوغری ایلولمسنک منعی) لزومنی خاطر دن چیقارمیور ایدی . و طوغریسی فرانسه نك منافعه اوفق اولان مسلك ده بومسلك ایدی .

واقعا بر جوق و طنبور فرانسر لر ایله قراللاک حیتلی طرفدارلری بوفکرک خلافتنده ایدیلر و بونلر فرانسه نك داره نفوذینی تحدید ایتمش بولسان (۱۸۱۵) معاهده سنه معترض اولقله برابر ، قراللاک اعاده سنك تام فرانسه نك ضعف و تزلزلی زمانه مصادف بولمسندن متأثر ایدیلر . لکن بوتیدلاتدن حکومت قرالیه نك مسئول طوتیله میه جغنی و بوروبنلر اداره حکومتی اجانب سایه سنده استرداد ایتموب ، بالعکس بواسطه ایلله فرانسه یه اسکی حدودینی اعاده و مملکتی نعمت صلح و مسالمتدن مستفیض ایتمش اولدقلرینی ده بیان ایلور لر ایدی . ده طوغریسی و قتیله جمهوریت ایله بوناپارت ، (ریشلیو Richelieu) ایله اون دردنجی لوینک اثرینه نصل اقتفا ایستیلر ایسه بوقراللق طرفدارلری ده اق جمهوریتله ، اونا بولیونک مظفریاتی نتایجندن مستفید اولمق ، یعنی اون آلتنجی لوینک خلفی ۱۱ ناپولیونک طاشیدینی تاج زرین غالبیتک پرتو آفاگیرندن مستنیر کورمک ایستور لر ایدی . بوحال (ژوزف دومه تر be Maistre . j) ک « اون سکزننجی لونی اجدادی تحتیه جالس اولدی ظننده بولسانلر آلدانورلر ، زیرا لوینک قعود ایستدیکي صندالی حکومت بوروبنلرک دکل ، بلکه بوناپارتک تختی ایدی . » جل حقیقتیر وریسنده ده مذکوردر .

(شاطوبریان chateaubriand) ک (۱۸۲۲) سنه سنده یکانه املی اولان (رمن) حدودینک تصرفی ایچون نه انکلتزمدن ، نه ده آوستریادن معاونت امید ی وار ایدی . چونکه قورناز (مترنچ) ه امنیت جائز اولمیدینی گبی ، انکلتزمنک انظار حسودانه سی ده

۱ [فرانسه ده بوروبنلر خاندانلر لونی اسنده اون سکزن حکمدار کلشدر . اون آلتنجی لویندن سکره (قونوانسیون ۱۷۹۲-۱۷۹۵) و (دبرکتووار ۱۷۹۱-۱۷۹۹) و (قونسولا ۱۷۹۹-۱۸۰۴) و (امپراطورلق ۱۸۰۴-۱۸۱۵) ناملریله متعدد حکومت ادارملری تعاقب ایدوب اک سکره ناپولیونک سقوطنده اون آلتنجی لوینک برادر زادمسی اولان ذات اون سکزننجی لونی عنوانیله قرال اولمشدر .]

(للمترجم)

فرانسہ ایچون نائل فتوحات اولمغہ مانع ایدی . انکلترہ ایلہ ایدیله بیلہ جک اتفاق ، صلح و روانہ براتفاقدن بشقہ برشی اولمہ من ایدی . اوجہتلہ مملکت ضبطہ قالشتمق ایچون فرانسه نکل بشقہ طرفہ عطف نظر ایتسی و افکار استیلاکارانہ طاشیدان اقبالرستلرلہ اتحاد ایتسی لازم گلیور ایدی .

[رہن] حدودینی الدہ ایتک ایچون [قواناسیون] ی پروسیا ایلہ اتفاق آرزوسنہ دوشیرن و اورویاہ حکمفرما اولمق ایچون ناپولیونی روسیہ ایلہ اتحاد امانہ سوق ایدن اسباب ، بودفعہدہ قراللق طرفداراتی فرانسه ایچون پروسیا و روسیہ ایلہ اتفاق عقدندن غیری بر چارہ اولمدینی فکرینہ ذاہب ایتمش و آردہ دن بونجہ مختلف ادارہ لر کلوب کچدیکی حالہ اسکی فرانسرلرک انکلترہ اولان یوزلرچہ سنہک عداوت و خصوصتیرنک ینہ اشبو طرفداران قلبندہ جایگیر ایدوکی گورلمش ایدی . بوندن ماعدہ مذهب اختلافی دہ رقابت سیاسیہ قاریشیورایدی .

واقعا روسیہ اورتودقس و پروسیا دخی پروتستان ایدی ؛ لکن بونلرلہ اولان اختلاف مذهب ، بعض اسبابدن طولانی انکلیزلرلہ اولان اختلاف درجہ سندہ ایدی . آندن بشقہدہ اوصردہ یونان فترتی وقوعیاقہ اولدیغندن ، روسیہ اورویایی یونانلرلہ مظاہرہ دعوت ایدیوردی . علی الخصوص [تالیران] ریاست ادارہ دن چکلدکدن صکرہ ، فرانسه دہ نہ قدر خارجیہ ناظری کلش ایسہ فکرلرنده کی جزوی مبیائتلہ برابر روسیہ قاینہ سیلہ صبقی فبقی بر اتفاق عقدی . جملہ سنجہ مقصد اصلی ایدی .

اورویا احوالک تغیری احتمالی کوسترین شو زمان ایسہ بورجال سیاسیہ ایچون پک مساعد کورنمکده و روسیہ نکل فرانسه یہ احتیاجی ظنندن متولد اولمق اوزرہ ، فرانسه شاید روسیہ آمالنی مروج بولنور ایسہ چارکده متدارلنی جلب ایدیله جکی تخمین قلمقندہ ایدی .

فقط بو بولده کی تخیلات املپرورانہ یی حیز حصولہ ایصالہ قالشتمق و اوروپانک حرمتی جالب بولنان احتیاط قیدندن فرانسه یی جیقارمق و فرانسه یی یگیدن میدان محاربه یہ سوق ایلہ بتون اورویاہ حاکمیت ہوسندہ بولنان دولتدرن برینک و یا دیگرینک منفعتہ خدمت ایتدیرمک کبی فداکارقلری اختیار ایدہ یٹک ایچون

اول امرده روسیه نك فرانسه مقاصدینی و فرانسه ده روسیه آمالنی ترویج ایدم بیلوب ایدمیه جگنی ملاحظه اقتضا ایدر ایدی .

روسیه نك هر وسیله دن بالاستفاده اعلاندن کبرو طور مدینی مقاصدینی آرتق کشفه چالیشمغه محل یوغیدی . روسیه نك آوستریا و انکلتره ایله بر محاربه سی وقوعنده فرانسه یه محتاج اوله جقمه و حال حاضرده دخی بویکی دولته قارشو طوره یئلك ایچون فرانسه نك دوستلغندن استفاده ایلك فکر نده بولندیغه هیچ شبهه قالماش ایدی . اوزمان فرانسه نك پترسبورغ سفیری بولنان موسیو (دولافرونه Delta Ferronnays) ایسه بر دیپلوماته لازم اولان خصائل حاز اولقله برابر ، عاقل و کامل بر ذات اولوب ، بر سوزی ایکی اولمز صورتده ، چار آلکساندارك امنیت و صمیمی بر صورتده حرمتی قزائمش ایدی . آندن بشقه ده چار اولسون ، توابعی اولسون جمله سی کندوسنه قارشو داغا معامله خاطر نوازانه اظهار ایتمکده و فرانسه یی مدح ایتمک ، قوتنه اعتماد گوسترمک ، و قیفای امیدده ارخای عنانه ترغیب ایدیجی سوزلر سو یئلك ایله مملکتلرینك علوقدرینه قانع و مفتون اولان فرانسلری و لاسیما (دولافرونه) کبی قراللق طرفدارلرینی استماله پك قولای ایدوکنی کشف ایلمکده ایدیلر . دیگر طرفدن ده چارك انظار استیلا جویانه سی شرق جهتلرینه عطفه چالیشان قابو دیستریا (Capo d' Istria) ۱) ایمپراطورك عثمانلی طو براغنده ایستدیکنی یاپه ییلسی ایچون لهستانده جزوی بر قوه عسکریه براقسی کافی اولدیغنی بیاندن کبرو طور مریور ایدی .

[مابعدی کله جك نسخه ده]

محمد غالب



۱) ژان قوت دو قابودیستی ریا (۱۷۷۶) ده قورفو آله سنده طوغمشدر (۱۸۱۵) سنه سنده پارس معاهده سی روسیه مرخصی صفتیله امضالمشدر . (۱۸۱۶) دن (۱۸۲۲) یه قدر روسیه ده خارجییه ناظری اولوب (۱۸۲۷) ده یونانستان ریاست حکومتته کجش (و) (۱۸۳۱) سنه سنده ده یونانیلر طرفندن قتل اولمشدر .